

14

1677

236

3984

RECIT VERITABLE

de la mort du sieur Baron
de Heurteuan decapité
à Paris, deuant la Croix
du Tiroir le Mardy 21.
de Mars.



A PARIS

De l'Imprimerie d'Anthoine du Brueil,
entre le Pont saint Michel & la
ruë de la Harpe à l'estoile
Couronnée.

M. DC. XVII.

40

VERIFIABLE

de l'administration
de l'administration
de l'administration
de l'administration
de l'administration



A 1000

La Commission
de l'administration
de l'administration
de l'administration
de l'administration

100-13-101



RECIT VERITABLE
de la mort du sieur Baron de Heur-
teuan decapité à Paris, deuant la
Croix du Tiroir le Mardy 21.
de Mars.

LA puissance des Roys est grande & redoutable, leur fureur merueilleusement à craindre, leur iuste colere difficile à appaiser notamment à l'endroit de ceux qui les ont offencez outre mesure, & encore que leur patience & bonté soit immense à l'exemple de la diuinité, si pourtant ceste humeur se conuertit elle souuentefois en fureur, quand ils reco-

gnoissent que leurs suiets en abus-
sent, au preiudice de toute obeyf-
sance & seruice qui leur est legiti-
mement & naturellement deuë :
ainsi leurs Maiestez ayant eu aduis
des mauuais intentions & depor-
temens du sieur Baron de Heurte-
uan, comme il auoit fait plusieurs
pratiques & leuees contre le serui-
ce du Roy, & à l'aduantage de ses
ennemis, dans le pays de Normã-
die, la Maiesté se resolut de preue-
nir le succez funeste & pernicious
de telles entreprises, par vn prôpt
commandement qu'elle fit à son
grand Preuost de ladicte Prouin-
ce de Normãdie de poursuiure le-
dit sieur Baron & ses adherans, &
s'asseurer de sa personne s'il le pou-
uoit surprendre, il se fait assister de
forces & gens de guerre pour satis-
faire au desir de leurs Maiestez, si

que finalement à force de veiller
& d'estre aux aguets il le surpréd
au depourueu, côme ceux sur qui
il s'asseuroit, l'auoient abandonné
pris qu'il est voila qu'on le faiet cō-
duire en toute seureté dans Paris,
& y arriue le Mercredy quinzies-
me du present Mois de Mars, ac-
compagné de quelques quarante à
cinquante cheuaux, ou pendant
qu'il seroit aduisé de ce qui seroit
fait de sa personne, il est mis & cō-
stitué prisonnier dans les prisons
du four l'Euesque par le comman-
dement du Roy & à la diligēce du
sieur de Bellangreuille grand Pre-
uost de son hōtel, en moins de six
ou sept iours on voit les informa-
tions faictes contre luy, les plain-
tes se produisent, les choses par luy
commises se trouuent auerees, ses
pratiques decouuertes, ses intelli-

gences euentées, & son procez fait & parfait, il est trouué coupable, atteint & conuaincu du crime de leze Maieſté, & comme tel le voila condamné ſans appel à auoir la teſte trenchée, pour ſalaire & recompense de ſes delicts, & pour donner exemple à tous factieux & perturbateurs du repos public, gens deſobeyſſans & rebelles aux commandemens de leur Prince.

Pour l'exécution de ſon arreſt & ſentence, le Mardy dernier 21. de Mars deuant la croix du Tiroir, rue de S. Honoré à Paris, fut dreſſé & erigé vn eſchaffaut à ces fins, & d'autant qu'en ceſte exécution il ſe trouua vn nombre incroyable de peuple, Seigneurs, Gentis-hômes & grande quantité de perſonnes de tous eſtats, pour euitter la conſuſion & retenir le deſordre,

par commandement exprez de sa
 Maiesté y furent enuoyez les cent
 Suisses de sa garde ordinaire, vne
 des compagnies de son Regiment
 avec leurs armes & bastons à feu,
 enuironnans le susdict eschaffaut,
 en ceste assistance fut amené ledit
 sieur Baron par quelques archers
 de Mondit sieur le grand Preuost
 de l'hostel, & là monté sur ledit es-
 chaffaut il fut decapité enuiron és
 six heures & demie de soir.

Bien qu'il eut vn extreme regret
 de mourir, si parut il neantmoins
 fort constant à la mort, il s'y pre-
 para dignement, & recognoissant
 sa faute, ploya doucement le col
 sous la main de l'executeur.

Ledit sieur Baron de Heurteuā
 auoit à ce qu'on tient, esté nourry
 & esleué en la maison de la Roynne
mere du Roy, de sorte que ayant

mis en oubly, le traietement fauorable qu'il y auoit receu, s'estoit monstre ingrat, & preferant la bienueillance de quelques remués dás l'estat à l'obeyssance du Roy, auoit faict avec eux quelques pratiques mauuaises, au preiudice de ses loix & de son seruice: aussi son corps à paty pour les mauuaises inclinations de son ame monstrant en cela combien c'est chose dangereuse au vassal de s'esleuer cõtre son Roy & combien sa Maiesté, bien que facile à pardonner, supporte malaisement telles rebellions & desobeyssances.

F I N.

Digitized by the Internet Archive
in 2010 with funding from
University of Ottawa

